

18. Deliberatione enim institutâ, quanam formâ commodâ, & eruditâ methodo, Doctrina in ditionibus Electoris Saxonie recepta & usitata, conscribi atq; comprehendi posset; totum hoc negotij D. Luthero à Theologis VVitebergensibus Iusto Iona, Pomerano, Philippo, fuisse datum, historiae referunt.

19. Hic ergò locum voluntati eorum relinquens, septendecim articulis universam Religionis Christianae summam est complexus; quos Elector secum Augustam auferens, Archetypum & matricem quasi Confessionis postmodum exhibita esse voluit. Videantur hi articuli Tom. 5. Ien. Pag. 18. edit. anni 57.

20. Et quanquam ceterorum etiam principum ac civitatum, Evangelicam doctrinam amplexarum Theologi, suarum Ecclesiarum summam scriptis fuerunt complexi: Quae omnia, & in his aliqua, prolixitate etiam molesta, perlegere & censere Augustae Philippus coactus fuit: tamen ad septendecim illorum Lutheri Articulorum normam, confessionem ipsam fuisse conscriptam, testis instar omnium esse potest Epistola Iohannis Electoris Saxonie, ad Lutherum missa: ubi heros ille sanctissimus disertè affirmat, M. Philippum Melanctonem revidisse & in formam redelegisse Articulos, à Luthero prius delineatos. Histor. Conf. Aug. pag. 136.

Camerar.  
in vita  
Philippi.

Quod